



Broj: 08-01-03/2-11-2-1296-12/23  
Dana: 26.06.2023. godine

Na osnovu člana 70. stav (1), (3) i (6), u vezi sa članom 64. stav (1) tačka b) ("Službeni glasnik BiH", broj: 39/14 i 59/22) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-01-03/2-11-2-1296-11/23 od 22.06.2023. godine, u postupku javne nabavke "LOT 1: Nabavka kancelarijskog namještaja", ministar Ministarstva unutrašnjih poslova Zeničko-dobojskog kantona, d o n o s i:

**O D L U K U**  
o izboru najpovoljnijeg ponuđača "R&S" d.o.o. Sarajevo, za "LOT 1: Nabavka kancelarijskog namještaja"

**Član 1.**

Prihvata se Preporuka Komisije za javnu nabavku (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-1296-11/23 od 22.06.2023. godine i ugovor za "LOT 1: Nabavka kancelarijskog namještaja", dodjeljuje se ponuđaču "R&S" d.o.o. Sarajevo, sa ponudom broj: 08-01-03/2-11-2-1296-5/23 od 16.06.2023. godine i ponuđenom cijenom u iznosu od 68.370,00 KM bez PDV-a.

**Član 2.**

Odabrani ponuđač dužan je u roku od 5 (pet) dana od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

**Član 3.**

Ova Odluka objavit će se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1296/23 od 08.05.2023. godine i Obavještenja o nabavci broj: 488-1-1-23-3-21/23 od 19.05.2023. godine, proveden je otvoreni postupak za "LOT 1: Nabavka kancelarijskog namještaja". Procijenjena vrijednost nabavke je iznosila 68.376,07 KM bez uključenog PDV-a. Sažetak obavještenja o nabavci broj: 488-1-1-23-3-21/23 objavljen je dana 26.05.2023. godine u "Službenom glasniku BiH", broj: 38. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1296-2/23 od 12.06.2023. godine.

Komisija je sačinila Zapisnik o prijemu ponuda i Zapisnik sa otvaranja ponuda broj: 08-01-03/2-11-2-1296-10/23 od 19.06.2023. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da se do roka određenog za dostavljanje ponuda, 3 (tri) ponuđača prijavila na predmetno javno nadmetanje, i to ponuđači: "R&S" d.o.o. Sarajevo, "INTER-COM" d.o.o. Zenica i "GRADIZ" d.o.o. Sarajevo.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1296-11/23 od 22.06.2023. godine, te utvrdila da je ponuda ponuđača "INTER-COM" d.o.o. Zenica neprihvatljiva, s obzirom na činjenicu da ponuđena cijena prelazi procijenjenu vrijednost nabavke za "LOT 1: Nabavka kancelarijskog namještaja". Naime članom 2. Zakona o javnim nabavka propisano je da je neprihvatljiva ponuda čija cijena prelazi planirana, odnosno osigurana novčana sredstva ugovornog organa za nabavku.

Ponuđač "GRADIZ" d.o.o. Sarajevo nije kvalifikovan, iz razloga što nije postupio u skladu sa tačkom 27. Tenderske dokumentacije, obzirom da u nacrt ugovora – Anex III nije unesen podatak iz ponude koji se odnosi na garanciju za isporučenu robu. Nadalje, ponudu ovog ponuđača je potpisalo lice koje nema ovlaštenje za zastupanje ponuđača u vrijednosti većoj od 50.000,00 KM. Naime, iz ponude se vidi da je potpisana i parafirana od lica Edin Skejić, koji je prema aktuelnom izvodu iz sudskog registra od 27.03.2023. godine direktor kod ponuđača, s tim da je za istog u sudskom registru upisano ograničenje ovlaštenja i to: "u novčanom iznosu do 50.000,00 KM, a preko navedenog iznosa uz pismenu saglasnost osnivača društva da zastupa društvo u okviru registrovane djelatnosti". U konkretnoj ponudi ovog ponuđača se ne vidi pismena saglasnost osnivača društva, koja je bila potrebna, obzirom da je vrijednost ponude preko 50.000,00 KM. S tim u vezi, utvrđeno je da ponuda ne sadrži valjan potpis podnosioca ponude ili ovlaštenog lica, što je obavezan sadržaj ponude prema članu 58. stav (1) tačka g) Zakona o javnim nabavkama. Ponuđač nije postupio u skladu sa tačkom 13.1. Tenderske dokumentacije, jer nije dostavio fotografije za sve stavke iz Obrasca za cijenu ponude. Naime ponuđač je za stavke 5, 6, 7, 8 i 10 dostavio skice iz kojih se ne može uporediti da li ponuđeno odgovara traženom opisu u Aneksu II. Također, ponuđač je za ponuđene stavke pod rednim brojem 3. i 4. iz Obrasca za cijenu ponude - uredska fotelja i ergonomski stolac, prema izgledu sa dostavljene fotografije ponudio artikle koji nisu crne boje, a kako bi trebalo biti prema opisu iz Tenderske dokumentacije.

Pregledom i ocjenom ponuda, utvrđeno je da ponuda ponuđača "R&S" d.o.o. Sarajevo ispunjava sve zahtjeve ugovornog organa u formalno-pravnom, ekonomskom i tehničkom smislu, te da je ista za ugovorni organ prihvatljiva.

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a	Popust	Početna cijena ponude bez PDV-a sa popustom (prije e-aukcije)	Konačna cijena ponude bez PDV-a sa popustom (nakon e-aukcije)	Rang
R&S DOO SARAJEVO	68.370,00 KM	Ne	68.370,00 KM	-	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom Tenderskom dokumentacijom.

Slijedom navedenog, ponuđač "R&S" d.o.o. Sarajevo, odabran je na osnovu ponuđene cijene u iznosu od 68.370,00 KM bez PDV-a.

**PRAVNA POUKA:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

**DOSTAVLJENO:**

1. Ponuđači, 1x-
2. Sektor za podršku, 1x.-
3. Spis, 1x.-



MINISTAR  
Benjamin Sinanović